



POLICY STATEMENT

Pivalliyuliyikkut Ingilrayuliyitkullu akhooqtut atuliqpallianut Kavamangat Nunavut pinahuaqtangit, *Sivumut Abluqta*. Manikhait atuqtakhaliukhimayut talvuuna *Niqqainnarnik Tunihainikkut Atuqtakhannik* uukturumanaqtut ikayuutikhanik pivalliadjutikhainik uuktuutikhanik anggiqliquumiqlutik ihuaqutikhainiklu ilaliutilugit pittaalaqinniaqtuni, angguniaqnirmut havaakhanik.

Pinahuarutip ikayuutikhainik nunani angguniaqnirmut havaakhanik maniliurutikhanik pipqaqlugit ikayuqlugitlu an'nguniaqviliqinikkut nunallaamilu ihumagiyainik amigaikyuummirianginni pittaalaqiyaami niritiaruminaqtunik tamaini nunallaani avikturpiingni.

Niqqainnarnik Tunihainikkut Atuqtakhannik Maligaq hanaqiyauhimayut maligakhanik qanuriliurutighainiklu hapkuat Pivalliyuliyikkut Ingilrayuliyitkullu uktugutikhainik ihuakhaklugit pilaaktainik niuviktut akituvalaangitumik, aanniaqtailidjutikhanik niqqainnarnik talvuuna mikhaanut manikhait maligutikhainik:

Maligutikhait A: Nunani Anguniaqtunut Ikayuutikhat Manikhat

Maligutikhait B: Nunani Anguniaqtunut Aulapkaidjutikhanginik Manikhat

HIVUNIKHALIURUTIKHAT

Hamna maligaq naunaiyakhimayuq atuqhugit hivunikhaliurutikhat:

- *Qanuuqtuurniq*: Piyauhimanginnaktunik piluni ikayulaalunillu. Pinahuaruti ilitariyait qinikhutiklu ikayuutikhanik nunamingni pidjutikhainiklu inmikkurutikhanik ayuikhayakhainik ihumaliurutikhainiklu Nunavut nunamingni angunahuaqtiit.
- *Piliriqatigiinniq/Ikajuqtigiinniq*: Havaqatigiiktukhauyugut atauhirmik pinahuaqhuni. Hanaqilutik nunamingni angunahuaqtut aullapkaidjutikhanginut ikayuqhugit angunahuarnikkut manikhainik piqariaqaqtukhat pimmariktunik havaakhainik nunamingni kavamaunikkut ukaullu Kavamnagat Nunavut. Havaqatigikkumik ihuaqtumik pinahuaqtavut pivakhunguyavut adjikiiktut tikittumayavut.
- *Avatittinnik Kamatsiarniq*: Pittiarutikhanik munarittiarutikhaniklu nunamik, huraadjaniklu avatimiklu atuqpaktukhauyut angunaqhuarnikkut uuktuutikhanik. Angunaqhuarnikkut huraadjanik uumayuniklu munariyauvaktut maliktakhainik

tamaktitailigiyit, titiraqhimayut Ilangani 5.1.5 tapfumani Nunavut Nunataagutit Angirutaanut.

- Maniliurnikkut angiklivaliadjutikhanik talvuuna ihuaqtunik pivalliadjutikhanik tamaini nunagiyamingni atuqtakhainik: Havaqatiriiktiaqtuqhauyugut amigaittuqariami maniliurutikhanik pivikhaqariaginni Nunavunmiut amigaittuniklu havaaqariamillu.
- Atuqpalianiik hivuliutiyumayaptingnik talvuuna ihuaqtut qanuriliurutikhat niriugiyauyunik tikiutiyaamingnik nakuuqpiaqtunik uvani pidjutihimatillutik.

TUKILIURUTINGIT

Hapkuat maligakhat atuqtauyukhat umani maligarmi :

Nunani Qiqittiivikhat

Igluqpait uvaluunniit iglut atuqtauginariaqaqtut hunngiktailitikhanik, tutqumagikhanik, niqqiliqivikhamiklu tuniukhaivikhaniklu niqqainarnik. Ilaullayut qiqittivikhat atuqtauyukhanik inungnit.

Nunani Niuvvavikhat

Igluqpangmi anguniaqtit katitvikhanik niuvviktivikhamingnik niqqainarnik.

Maliktakhat Ikayugutikhait Angirutaanut

Hamna ikayugutikhait angirutaanut ukuak malruuyuk ilauqatauyuuk, titirakhimayut aktikhainik ikayuutit imatutlu naunaiyautikhainik titirautikhainik munariyakhainiklu ilauqatauyunut.

Niqqainarnik

Niqqainnait pitquhikkut nirivaktait niqautigiplugit Inuit, ilauyut hapkuat tuktu, umingmak, nanut, akhat, qilalukat, tuugalik, nattiit, tingmidjat, iqalukpiit, iqaluk, uvilut ahiatlu aqpiit, kingmingnat, kaplat, kiguutingingnat, paungatlu allatlu niqikhat anguniaqtauvaktut, iqaluktauvaktutlu uvaluunniit nunamingni katitiktauvaktut. Ilauyunnaqtut nunamingni katitiktauvaktut anguyauvaktutlu niqikhat taimani anguyauyuitugalluaktut niriyauiyuitugalluaktut.

Avrukhugit Puuktuqhugit Igluqpangmi

Igluqpangmi hanaqivikhanik anguyauhimayut uumayut huraadjatlu tuniukhaktayukhanik, avrukhugit igakhangukhugit aktigiyunik niqiliqutinut ulluaktuutinut, puuktuutikhanut avrukhimayut qiqittivingnut plastic-nik puukhanut, puplaiyautinut puuktuutikhat puukhat tutquqtigvit, uvaluunniit puuktukhugit plastic-mik makpiranutlu.

Havaqviat

Pivalliyuliyiqikkut Ingilrayuliyiqitkullu.

An'ngunahuatit

Inuk an'nguvaktuq, havaktait naunaiyakhimayut iluani *Huraadjanut Maligarmi* ; ilauyuqlu inuk iqalukhiukpaktuq.

HAVARIYAKHAIT MUNARIYAKHAILLU

Ministauyuq Pivalliyuliyikkut Ingilrayuliyitkullu

Minista munariyait tamaita pinahuarutikhanut manikhatukuallu iniktirutainik, iliurailunillu ukiuk tamaat katimadjutikhainut Maligaliurvingmi uvaluunniit ahinutlu inungnut takuyakhainik hailipkailuni naittumik ikayuutit naunaitkutainik atiinik angiqtauhimayut uukuqtunit, aktilanganiklu ikayuutit, qanurinninganiklu ikayuuqtauyumik, nunanganiklu.

Minista tuniaktut iniktigutait inikhimayut hanayakhat, ilauyut havagutaitatuliqtitinikkut iluannittunik umani maligarmi havagvingni atannguyayuyumut.

Tuklia Ministap

Havagvingni atannguyayuyuq, uvaluunniit naunaiqtauhimayut angiyukhik atannguyaq, hanaiyayukhaq tuhaktituidjutikhainik nalunaitunik naluhuikhimayumik malirutikhainik maliktakhait tunikhaidjutikhainik manikhanik atani umani maligarmi. Hapkuat ilaunniaqtutmaliktakhainik munariyayut imatut:

- Uukturutikhanut Atuqnikhainut
- Nainaiyarnikkut Atuqtakhat
- Maligakhanik Qanuriliurutighainiklu

Kakugukiak, munagiyit apiginiaktut uktukhimayunit ilakhainik tuhagutikhait naamaktut havaktakhainik uvalu naunaiyautainik apigihimayait uktukhimayut.

Munagiyit pilaaktut imaatut:

- i) Angiklutik amigaitunut ukiunik hanayakhat, maliklugit pilaaktainik kinauyakhait aipaangani ukiumi.
- ii) Hanalutik kiklikhainik anginikhaat uvalu mikinikhaat kinauyakhait pilaaktait uktukhimayut ataani hamna maligaqhait atauhirmik ukiumik uvalu amigaitunik ukiunik hanayakhat.
- iii) Ililutik kinauyakhainik pihimayut pilihimayuit naunaiyakhimayainik ubluit iluani ukiut. Hapkuat piniaktut tuhaktituilutik paknaiyautikhait tuhaktiyakhainik naunaiyakhimayait kinauyait tutkukhimaniaktut piyakhainik uvalu nani umikvikaktut uktugutikhait hamani kinauyakhainik.

ILUANIITUT

- i) Piittuq uumani maligaqmi qanuqli taiyaulimaittuq kiklikhariami pilaarutinganut Nunavut Nunataagutit Angirutaanut. Hamna Angirut hivullituyukhauyuq umani maligarmi.
- ii) Manikhanik ikayuutikhat atani umani maligarmi naunaiqtut angiqtaugaangat Maligaliurvingmit, pittaarninngani maniit ihuaqtumi manikharvikhami.
- iii) Tamaita ihuaqtut iluaniitut talvani *Kiinauyaliqinirmut Auladjutikhanut Maligaq* talvanillu Kiinauyaliriyitkut Aulapkainikkut Makpiraami aturutikhait atuniaktut kinauyaligiyit tamarmik ikayugutikhait tunihimayut munagiyiinit.

- iv) Pilaaktut kinauyakhainik ataani hamna maligaqhait pilaitut angiktauhimayumik kinauyakhait ikayugutikhainik. Kiinauyat ikayugutikhait angiktauniaktut talvatuak kiklinikaktut uvalu pilaakakat kinauyakhainik tunihimayut hamani maligaqhainik iluani naunaiyautait kinauyait aturutikhainik.
- v) Uktukhimayut pihimayut tuniyauniaktunik ikayugutikhait ataani hamna pilihimayuit pilaaktut kinauyakhainik mikitkiyauyumik apigiyainit.
- vi) Ikayugutikhait tunilaitut kinauyakhat ihivgiugutait ukakhimakpata piyumangituk ikayugutikhainik Kavamatkut Nunavunmi uvalu uktugumayait hanayakhat pilaaniakat angiklirutainik hivunikhainik kinauyaliuktainik ikayuktauhimaitumik.
- vii) Tuniyauhimayut pihimayut kinauyakhainik pitkuniaktut ilitagilugit Kavamatkut Nunavumi. Ukautait aalatkiiniaktut kanugitaakhait hanayakhat uvalu iluaniiniaktut Maliktakhat Ikayugutikhait Angirutaanut.

AKIGAKTUUTIT

Uktukhimayut ikayugutikhainik inminiigutikaktut akigaktuutikhainik angiktauhimaitut kinauyakhainik.

Akigaktuutit angiktauniaktut Atanguyait Tuklianit, Pivalliyuliyikkut Ingilrayuliyitkullu.

PILAAKTAIT ATANGUYAIT KATIMAYIGALAAT

Pikangituk hamani maligaq ihumagilugit pilaaktainik Atanguyait Katmayiralaat angigiaganik uvalu havaktakhait, ikpigilugit nanminiqagtunit uvalu/uvaluniit kinauyakhait ikayugutikhait uva luniit aalanik nanminiqagtunit ilanganut uvalu/uvaluniit kinauyakhait ikayuutikhainik, mikhaanut uva luniit ilanganut, hilataanit iluaniit hamna maliktakhat.

MALIKTAKHAT

Hamna maligaq atuqtauniaqtuq himmauhiqtauqpat kihiani uvaluunniit ungavaktauqpat. Hamna maligaq atuliniaktut ubluani atiktauhimayut iniklutik Qiqaiyarvik 31, 2020.

Maligutikhait A: Nunani Anguniaqtunut Ikayuutikhat Manikhat

Huliniaktut

Nunani Anguniaqtunut Ikayuutikhat Manikhat tunilaaktut ikayugutikhainik nunainit nikikhait tutkuktuiivikhainik hamani havagutikhainik niqqainarnik tuniukhaidjutikhanut atuqtauyukhanik.

Pilaaktut Uktulaaktunit

Pilaaktut ikikliyahimayut hamlatkunut Nunavunmi ilaliutihimayuq uumani City-ngit, Nunagiyaayut, Angivallaangittutlu Nunagiyaayut Maligaaq, unaluuniit Haamlangit Maligangat.

Anguhiqiyikkut uvaluunniit allat nunamingni timiqutaayut pillaaktut titiraqhimayumik ikayuutikhamik hamlatkunit tunihiyunik pinahuarutikhat kiinauyakhainik.

Pittaaktut Hulipkaidjutikhanik

Pittaaktut Hulipkaidjutikhanik ilaayut nunamingni naunaiktauhimayut uuktuutikhanik ihuaqtikhaniklu piyuminautikhanik nunamingni anguniarnikkut maniliurutikhanik.

Nunalaat alruyaqtuutainut munaqhidjutikhainutlu akiqaqtut tapfumuna nunani qiqittiiviit uvaluunniit allanik niqqainarnik uvaluunniit allanik pihimangittut Kavamangat Nunavut havagviat (i.e. ilaungittut Kavamnagat Nunavut piqputainut) pittaqtut allanik alruyaqtutainut munaqhidjutikhainutlu manikhanik naunaiktauhimayut talvani “Aktilangani”, atani.

Pilaittut Hulipkaidjutikhat

Niuvviktauhimayut niqqainarnik hilatanit nunamingnit pilimaittut.

Ihivriukhidjutgut Atuqtauyukhat

Uuktuqtut tunihimayukhat atauhirmi ukiumi havaakhamut upalungaiyautikhanik turrangayunik Nunani Aulapkaidjutikhanut havagvianut.

Nunani Aulapkaidjutikhat ihivriukhiyut uuktuqtup havaakhamut upalungaiyautikhanik ihuaqtunik turrangayunik maliqatiyukhanut iluanniit utmani maligarmi Nunani Aulapkaidjutikhanut havagvianut.

Havaakhat angiqtauyarangata Nunani Aulapkaidjutikhat, Maliktakhat Ikayugutikhait Angirutaanut titiraqtauyuuq atiliuqtauplunillu tamainit ilaayunit.

Ikayugutikhait Katitirutait

Hapkuat naunaikhitikhat ilauyariaqaqtut ukiumi havaakhat upalungaiyautikhanut:

- Naunaiyakhimayut havaakhat upalungaiyautikhanut, ilaayukhat naunaiyakhimayut qanuqtut havaakhat ihuaqhitauniaqqat nunani anguniaqnikkut maniliurutikhanut uvaluunniit niqqainarnik tuniukhaidjutikhanut atuqtauyukhanik;
- Havaakhaq manikhainut atuqtakhat; unalu

- Naunaitkutikhanik nunamingni ikayuutunik, nalliinit hamlatkut kavamangat uvaluunniit nunamingni timiqutauyut pinahuaqtakhanik ilauyut ihuaqhitikhanik nunamingni anguniaqnikkut maniliurutikhanik uvaluunniit niqqainarnik tuniukhaidjutikhanut atuqtauyukhanik.

Tuhaktituidjutikhait

Nunallaani tunihiyukhat maniliqutinik qanuqtut manikhat atuqtaudjutainik atauhirmi ukiumi, ilauyukhat havaakhanut tuhaktituidjutikhait maniinut titiraqtauhimayunik naunaiyautikhainut pittaaktut akiliutikhainik.

Nunallaani ilauyariaqaqtut uvani havagviani uuktuutikhanik takunnaktumik uuktuutti havaqatauyutlu ihuaqhaidjutikhanik aktuqtaunianuttuniyauhmayut manikhat havagviani ikayuutikhanik.

Aktilangani

Tamarmik nunalaat pittaqtut imatut \$30,000 havaakhanut naunaiktauhimayunut talvani ukiumi havaakhat upalunagauyautani ihuaqhaktauhmayutlu talvani Maliktakhat Ikayugutikhait Angirutaanut.

Nunalaat alruyaqtuutainut munaqhaidjutikhainutlu akiqaqtut tapfumuna nunamingni nunani qiqittiiviit uvaluunniit allanik niqqainarnik uvaluunniit allanik pihimangittut Kavamangat Nunavut havagviat (i.e. qiqittiiviit ukualu niqqainarnik aulapkaidjutikhanut taimatut ilaungittut Kavamnagat Nunavut piqqutainut) pittaqtutlu adjikkutaanik imatut aktigiyumik \$10,000 alruyaktuutainut munaqhaidjutikhanutlu akiliutikhanik atauhirmi ukiumi. Akiliqtauyukhat naunaiyattiaqtauhimayukhat ukiumi havaakhat upalungaiyautikhanut.

Akiliqtauyukhanut angitqiyaniq munaqhaidjutikhainut ihuaqhaqtaudjutikhanutlu havaakhat uuktuqtauyariaqaqtut talvunga Maligutikhait B: Nunani Anguniaqtunut Aulapkaidjutikhanginik Manikhat.

Akilirutikhait

Atauhirmi ukiumi havaakhat manikhaqaqtunut imatut aktigiyumik \$25,000 uvaluunniit mikitqiyaniq, maniit tuyutauullayut atauhirmik akilirutikhait atiliuqtauyariqqat una Maliktakhat Ikayugutikhait Angirutaanut.

Atauhirmi ukiumi havaakhat manikhaqaqtunutangitqiyaniq umanga \$25,000 aipparuraikpat, maniit tuniyauullayut maliktakhanut tuniyauvikhainik akilirutikhaita naunaiyaktauyarikhmayut talvani manikhainut pidjutiqariaqaqtuq ihuaqhaqtauhimayuqlu talvani Maliktakhat Ikayugutikhait Angirutaanut.

Maligutikhait B: Nunani Anguniaqtunut Aulapkaidjutikhanginik Manikhat

Huliniaktut

Nunani Anguniaqtunut Aulapkaidjutikhanginik Manikhat tunihiyut ikayuutikhainik nunalaani nutanguqtiutikhainik, hanadjutikhainik uvaluunniit angiklilarutikhainik aulapkaidjutikhanut taimatut ikayuutikhanik anguniaqnikkut maniliurutikhanik.

Pilaaktut Akiit

Pilaaktut ikikliyahimayut hamlatkunut Nunavunmi ilaliutihimayuq uumani City-ngit, Nunagiyayut, Angivallaangittutlu Nunagiyayut Maligaq, unaluunniit Haamlangit Maligangat.

Anguhiqiyikkut pillaakluatqiyayut hapkuangungittut nunangit titiraqhimayumik ikayuutikhamik hamlatkunit tunihiyunik pinahuarutikhat kiinauyakhainik.

Pittaaktut Hulipkaidjutikhanik

Nunani Anguniaqtunut Aulapkaidjutikhanginik Manikhat tunihivaktut ikayuutikhanik hapkununga hulipkaidjutikhanut:

- Ihuaqhautikhainik nutannguqtirutikhaniklu tadjat atuqtauyut nunani qiqittiiviit, nunani niuvvavikhat uvaluunniit kiplutikhainik unalu puuktirutikhait igluqpangnik;
- Hanadjutikhainik, niuvrutikhainiklu, iliuraidjutikhainik nutaamik nunani qiqittiiviit, nunani niuvvavikhat uvaluunniit kiplutikhainik unalu puuktirutikhait igluqpangnik aulapkaidjutikhainiklu; unalu
- Hanadjutikhainik, niuvrutikhainiklu, iliuraidjutikhainik niqqainarnik, nunani niuvvavikhat uvaluunniit kiplutikhainik unalu puuktirutikhait igluqpangnik aulapkaidjutikhainiklu.

Talvuna aulapkaidjutikhanut taimatut ilaungittuq GN-kut piqqutainut, nunalaat pittaaktut imatut aktigiyumik \$10,000 atauhirmi ukiumi atani talvani Maligutikhait A: Nunani Anguniaqtunut Ikayuutikhat Manikhat akikhidjutikhanik alruyaktutinut munaqhidjutikhainutlu akiliqtauyukhanut anguniaqnikkut aulapkaidjutikhainut.

Ihivriurutikhait

Una havagviat ikayuqatigiiktut ilauyumayunut nunalaanut pivalliadjutikhainik havaakhat pillayunut nunamingni ihariariyayunik pittaaktunut maniliurutikhanik ikayuutikhanik nunamingni pittaaktunut naunaiyautainik hailiyunut atuqtakhanik talvani *Niqqainnarnik Tunihainikkut Atuqtakhannik*.

Havagviat pittaaktuq hanaqiyuq ihivriurutikhait katimayiralaat ilauyutlu GN-kuni havagviinut uvaluunniit pingahuani ilauyunut ayuittukhat ikayuqtukhat pukuktukhanut unalu ikayuqtiqikhutik ihivriurutikhainik tuyutahimayut uukuutikhanik.

Ikayugutikhait Katitigutait

Nunat tuyuqtukhauyut uminga havagviat titiqamik piyumagumik uuktuutikhamik havaakhat pivalliajutikhanik atuqtauyukhanik.

Tuhaktituidjutikhait

Uuktuqtut tuyuqtukhauyut kinguliqpamik unniudjutikhamik tikitinnagu Qiqaiyarvik 31 piyuminaqtumut maniliurnirmut ukiungani ilauyutlu hivullikpanguyut niuvrutitnut makpiraat titiqatlu akiliqtauyukhanik. Una unniudjutikhaq naunaiyautikhanik titiraqtauyukhat havaakhat inniutainik titiraqtauyukhatlu hanadjutainik, iluraidjutainiklu, nappaktirutainut, ihuaqhautainiklu uvaluunniit nutanguqtiqtaudjutainik hulipkaidjutinik unalu iniqtaukpat piksaliukhimayunik.

Aktilangani

Anginikhaqpaak manikhaq aktilangani umunga havaakhamut imatut aktigiyumik \$300,000.

Akilirutikhait

Akilirutikhait tuyutauhunguyut adjikutanic uuktuutit manikhanik ihariahutanik talvuuna havaakhamut pivalliajutikhanik atuqtauyukhanut taimatungittumik atauttimut manikharvikhanganik. Una akilirutikhait naunaiyautikhanik naunaiyattiaqtauhunguyuq talvani Maliktakhat Ikayugutikhait Angirutaanut.